

梁

八
八
八
八
八

掃葉山房
石印

梁第一

五言第九

八代詩選十一上
長沙湘潭王閨運撰

武帝蕭衍

芳樹

綠樹始搖芳。芳生非一葉。葉葉度春風。芳芳自相接。雜色亂參差。衆花紛重疊。重疊不可思。思此誰能愜。

有所思

誰言生離久。適意與君別。衣上芳猶在。握裡書未滅。腰間雙綺帶。夢為同心結。常恐所思露。瑤華未忍折。

臨高臺

高臺半行雲。望望高不極。草樹無參差。山河同一色。髣髴洛陽道。道遠難別識。玉階故情在。情來共相憶。

雍臺

日落登雍臺。佳人殊未來。綺窗蓮花掩。網戶琉璃開。羊茸臨紫桂。蔓延交青苔。月沒光陰盡。望子獨悠哉。

擬青青河邊草

幕幕綉戶絲。悠悠懷昔期。昔期久不歸。鄉國曠音徽。音徽空結遲。半寢覺如至。既寢了無形。與君隔平生。月以雲掩光。葉以霜催老。當途竟自容。莫肯為妾道。

擬明月照高樓

圓魄當虛闥。清光流思延。延思對孤影。悽怨還自憐。臺鏡早生塵。匣琴又無弦。悲慕屢傷節。離憂亟華年。君如東扶影。妾似西柳烟。相去路既迴。明晦亦殊縣。願為銅鉄轡。以感長樂前。

直石頭

率土皆王土。安知全高尚。東隴棄黍稷。西游入卿相。屬逢利建始。投分參末將。尺寸功未施。河山賞已諒。攝官因時暇。曳裾聊起望。鬱盤地勢遠。參差百雉壯。翠壁絳霄際。丹樓青霞上。夕池出濠渚。朝雲生疊嶂。籠鳥易為恩。屠羊無餘讓。秦階端且平。海水本無浪。小臣何日歸。頓轡從開放。

答任殿中宗記室王中書別

問我去何節。光風正悠悠。蘭華時未宴。舉袂徒離憂。緩客承別酒。鳴琴和好仇。清宵一已曙。貌爾泛長洲。眷言無歇緒。深情附還流。

天安寺蔬圃堂

乘和蕩猶豫。此馬聊止息。連山去無限。長洲望不極。參差照光彩。左右皆春色。瞻暖
矚游絲。出沒有飛翼。其樂信難忘。儵然寧有飾。

游仙

水華究靈奧。陽精測神祕。具聞上仙訣。留丹未肯餌。潛名游柱史。隱跡居卽位。委曲
鳳池日。分明柏宸事。蕭史暫徘徊。待我升龍轡。

游鍾山大愛敬寺

曰予受塵縛。未得留蓋纏。三有同永夜。六道等長眠。才性之方便。智力非善權。生住
無停相。剎那即徂遷。歎逝比悠稔。交臂乃奢年。從流既難反。弱喪謂不然。二子常追
隨。三毒自燒然。貪痴養憂畏。熱惱坐焦煎。道心理歸終。信首故宜先。駕言追善友。回
輿尋勝緣。面勢周大地。縈帶極長川。稜層疊嶂遠。迢遞澄道懸。朝日照花林。光風起
香山。飛鳥發差池。出雲去連縣。落英分綺色。墜露散珠圓。當道蘭茝靡。臨階竹便娟。
幽谷響嚶嚶。石瀨鳴濺濺。蘿短未中攬。葛嫩不任牽。攀緣傍玉澗。蹇陟度金泉。長塗
弘翠微。香樓間紫烟。慧居超七淨。梵往踰八禪。始得展身敬。方乃遂心虔。菩提聖種
子。十力良福田。正趣果上果。歸依天中天。一道長死生。有無離二邊。何待空同右。豈

人代詩選
梁一
羨汾陽前。以我初覺意。貽爾後來賢。

代蘇屬國婦

良人如可期。不謂當過時。秋風忽送節。白露凝前基。愴愴獨涼枕。悵悵孤月帷。忽聽西北雁。似從東海湄。果銜萬里書。中有生離詞。惟然長別矣。不復道相思。胡羊久剽奪。漢節故支持。帛上看未終。臉下淚如絲。空懷之死誓。遠勞同穴詩。

古意二首

飛鳥起離離。驚散忽差池。噉嘈繞樹上。翩翩集寒枝。旣悲征役久。偏傷隴上兒。寄言閨中妾。此心詎能知。不見松蘿上。葉落根不移。

當春有一草。綠花復垂枝。云是忘憂物。生在北堂陲。飛飛雙蛺蝶。低低兩差池。差池低復起。此芳性不移。飛蛺雙復隻。此心人莫知。

擣衣

駕言易水北。送別河之陽。沈思慘行鑣。結夢在空牀。旣寤丹綠謬。始知紈素傷。中州木葉下。邊城應早霜。陰虫日慘裂。庭草復芸黃。金風但清夜。明月縣洞房。娟娟同宮女。助我裡衣裳。參差夕杵引。哀怨秋砧揚。輕羅飛玉挽。弱袖低紅妝。朱顏日已興。盼睇色增光。擣以一匪石。文成雙鴛鴦。制握斷金刀。薰用如蘭芳。佳期久不歸。持此寄

寒鄉。妾身誰與容。思君苦人腸。

織婦

送別出南軒。離思沈幽室。調核輟寒夜。鳴機罷秋日。良人在萬里。誰與共成匹。願得一回光。照此憂與疾。君情儻未忘。妾心長自畢。

七夕

白露月下圓。秋風枝上鮮。瑤台含碧霧。羅幕生紫烟。妙會非綺節。佳期乃涼年。玉壺承夜急。蘭膏依曉煎。昔悲漢難越。今傷河易旋。怨咽雙念斷。悽悽兩情懸。

紫蘭始萌

種蘭玉臺下。氣煖蘭始萌。芬芳與時發。婉轉迎節生。獨使金翠嬌。偏動紅綺情。二游何足懷。一顧非傾城。羞將苓芝侶。豈畏鵲鳩鳴。

詠燭

堂中綺羅人。席上歌舞兒。待我光泛灩。為君照參差。

昭明太子統

飲馬長城窟行

亭亭山上柏。悠悠遠行客。行客行路遙。故鄉日迢迢。迢迢不可見。長望涕如霰。如霰

八代詩選
梁一
獨留連。長路邈縣縣。胡馬愛北風。越燕見日喜。蘊此望鄉情。沈憂不能止。有朋西南來。投我用木李。并有一書札。行止風雲起。扣封披書札。書札竟何有。前言節所愛。後言離別久。

長相思

相思無終極。長夜起歎息。徒見貌嬋娟。寧知心有憶。寸心無所因。願附歸飛翼。開善寺法會

棲鳥猶未翔。命駕出山莊。詰屈登馬嶺。回互入羊腸。稍着原藹藹。漸見岫蒼蒼。落星埋遠樹。新霧起朝陽。陰池宿早雁。寒風催夜霜。茲地信閒寂。清曠惟道場。玉樹琉璃水。羽帳鬱金牀。紫柱珊瑚地。神幢明月璫。牽蘿下石磴。攀桂陟松梁。澗斜日欲隱。烟生樓半藏。千祀終何邁。百代歸我皇。神功照不極。睿鏡湛無方。法輪明暗室。慧海渡慈航。塵根久未洗。希霑垂露光。

鍾山解講

清宵出望園。詰辰屆鍾嶺。輪動文學移。笳鳴賓從靜。瞰出巖隱光。月落林餘影。糾紛八桂密。陂陀再城永。伊子愛邱壑。登高至節景。迢遞覩千室。迤邐觀萬頃。即事已如斯。重茲游勝境。精理既已詳。元言亦兼逞。方知蕙帶人。驚虛成易屏。眺瞻情未終。龍

鏡忽游騁。非曰樂逸游。意欲識箕顓。

講席將訖。賦三十韻詩。依次用。

法苑稱嘉奈。慈園羨脩竹。靈覺相招影。神仙共棲宿。惠義比瑤瓊。薰染等蘭菊。理玄
方十算。功深似九筭。華水警銀舟。方衢列金軸。微言絕已久。煩勞多累著。因茲闡慧
雲。欲使心塵伏。八水潤焦芽。三明啟群目。寶鐸旦參差。名香晚芬郁。暫捨六龍駕。微
祛二鼠感。意樹發空花。心蓮吐輕馥。喻斯滄海變。譬彼庵羅熟。妙智方褥錦。深詞同
霧縠。善學同梵爪。真言異銅腹。逶迤合蓋城。威蕤布金郁。珠華蔭八溪。玉流通九谷。
青禽乍下上。雲雁飛翻覆。高談屬時聽。寡聞終自恧。日麗駕鵞瓦。風度踟躕屋。落暉
散遠香。霏雲卷遥族。曠濟同象園。中乘如佇獨。後跋難堅明。初心易驚縮。應當離花
水。無令乖漆木。投巖不足貴。棘林安可宿。器月希留影。心灰庶方撲。視愛同采蜂。游
善如原菽。八邑仙人山。四寶神龍澳。藥樹永緜稠。禪枝詎凋槁。以茲悅聞道。庶此優
馳逐。願追露寶車。晚宸親推轂。

簡文帝綱

采桑

春色映宮來。先發院邊梅。細萍重疊長。新花歷亂開。連珂往淇上。接幘至叢臺。叢臺

可憐妾。當窗望飛蝶。忌。跌行衫領。熨斗成裙襖。下牀著珠珮。捉鏡安花鐻。薄晚畏蠶
飢。竟採春桑葉。寄語採桑伴。訝。今春日短。枝高攀不及。葉細籠難滿。年年將使君。歷
亂遣相聞。欲知琴裡意。還贈錦中文。何當照梁日。還作入山雲。重門皆已閉。方知留
客袂。可憐黃金絡。復以青絲繫。必也為人時。誰令畏夫婿。
東下何纂纂

垂花臨碧澗。結翠依丹巘。非直入游宮。兼期植靈苑。落日芳春暮。游人歌吹晚。弱刺
引羅衣。朱實凌還幘。且歡洛浦詞。無羨安期遠。
怨詩

秋風與白團。本自不相安。新人及故愛。意氣豈能寬。黃金肘後鈴。白玉案前盤。誰堪
空對此。還成無歲寒。

龍邱引

龍邱一回首。楚路倉無極。水照弄朱影。雲吐陽台色。浦狹村烟度。洲長歸鳥息。游蕩
逐春心。空憐無羽翼。

半路溪

相逢半路溪。隔溪猶不度。望望判知是。翩翩識行步。摘贈蘭澤芳。欲表同心句。先將

動舊情。恐君疑妾妒。

登城

日影半東簷。靖念空村柚。小堂倦縹書。華池厭脩竹。寂寞既寡悰。登城望原陸。遙山半吐雲。嚴飈時響谷。靡靡見虛烟。森森視寒木。落霞乍續斷。晚浪時迴復。遠矚既濡翰。徒自勞心目。短歌雖可裁。緣情非霧縠。

戲作謝惠連體十三韻

雜蕊映南庭。庭中光景媚。可憐枝上花。早得春風意。春風復有情。拂幔且開楹。開楹盈碧烟。拂幔復垂蓮。偏使紅花散。飄揚落眼前。眼前多無況。參差鬱相望。珠繩翡翠帷。綺幕芙蓉帳。香烟出宿裡。落日斜階上。日影去遲遲。節華咸在茲。桃花紅若點。柳葉亂如絲。絲條轉暮光。影落暮陰長。春燕雙雙舞。春心處處揚。酒滿心聊足。萱枝愁不忘。

沈約

日出東南隅行

朝日出邯鄲。照我叢臺端。中有傾城艷。顧景織羅紈。延軀似纖約。遺視若迴瀾。瑤裝映層綺。金服炫雕欄。幸有同匡好。西仕服春官。寶劍垂玉貝。汗馬飾金鞍。紫場類轉

雪。逸控。寫騰鸞。羅衣夕解帶。玉釵暮垂冠。

昭君祠

朝發披香殿。夕濟汾陰河。於茲懷九逝。自此歛雙蛾。霑妝疑湛露。繞臆狀流波。日見奔沙起。稍覺轉蓬多。胡風犯肌骨。非直傷綺羅。銜涕試南望。關山鬱嵯峨。始作陽春曲。終成苦寒歌。唯有三五夜。明月暫經過。

長歌行

連連身壁改。微微市朝變。來功嗣往迹。莫武徂升彥。局塗頓遠策。留懽恨奔箭。拊臆狀驚瀾。循休擬回電。歲去芳願違。年來苦心薦。春兒既移紅。秋林豈停蒨。一倍茂陵道。寧思柏梁宴。長戢免國情。永別金華殿。聲微無感簡。丹青有餘絢。幽籥且未調。無使長歌倦。

春隰萋綠柳。寒堦積皓雪。依依往紀盈。霏霏來思結。思結纏歲宴。曾是掩初節。初節曾不掩。浮榮逐弦缺。弦缺更圓合。浮榮永沈滅。色隨夏蓮變。態與秋霜萎。通迫無異期。賢愚有同絕。銜恨豈云忘。天道無甄別。功名識所職。竹帛尋摧裂。生外苟難尋。坐為長歎設。

豫章行

燕陵平而遠。易河清且駛。一見塵波阻。臨途引征思。雙劍愛匣同。孤鸞悲影異。宴言誠易纂。清歌信難嗣。卧聞夕鐘急。坐閱朝光亟。往歡墜壯心。來戚滿衰志。徂芳無再馥。淪灰定還熾。憂臺尚可忘。榮辱亦奚事。愧微曠土節。徒感鄙生餌。勞哉納辰和。地遠託聲寄。

江蘼生幽者

澤蘭被荒徑。孤芳豈自通。幸逢遙池曠。得與金芝叢。朝承紫臺路。夕潤綠池風。既美修嫵女。復悅繁華童。夙昔玉霜滿。旦暮翠條空。葉飄儲胥右。芳歇露寒東。紀化尚盈昃。俗志信積隆。財殫交易絕。華落愛難終。所惜改驩眄。豈恨逐征蓬。願回昭陽景。持照長門宮。

卻出東西門行

一本無出字

驅馬城西阿。遙眺想京闕。望極烟原盡。地遠山河沒。搖裝非短晨。還歌宣明發。脩服悵邊羈。瞻途渺鄉謁。馳蓋轉徂龍。回星引奔月。樂去哀境滿。悲來壯心歇。歲華委徂兒。年霜移暮髮。晨物久侵尋。征思坐淪越。清氣掩行夢。憂原盪瀛渤。一念起關山。千里顧邱窟。

青青河邊草

漠漠牀上塵。心中憶故人。故人不可憶。中夜長嘆息。嘆息想容儀。不言長別離。別離稍已久。空牀寄杯酒。

梁甫吟

龍駕有馳策。日御無停陰。星籥亟迴變。氣化坐盈侵。寒光稍眇眇。秋塞日沈沈。高窗仄餘火。傾河駕騰參。颺風折暮草。驚籜實曾林。時雲靄空遠。淵水結清深。奔樞豈易組。殊庭不可臨。懷仁每多意。履順孰能禁。露情一唯促。緩志且移心。哀歌步梁甫。歎絕有遺音。

白馬篇

白馬紫金鞍。停鑣過上蘭。寄言狹邪子。詎知隴道難。赤坂途三折。龍堆路九盤。冰生肌裡冷。風起骨中寒。功名志所急。日暮不遑飧。長驅入右地。輕舉出樓蘭。直去已垂涕。寧可望長安。匪期定遠封。無羨輕車官。唯見恩義重。豈覺衣裳單。本持軀命答。幸遇身命完。

鼓吹曲芳樹

發罽九華隈。開跼寒露側。氤氲非一香。參差多異色。宿昔寒飈舉。摧殘不可識。霜雪交橫至。對之長嘆息。

夜夜曲

河漢縱且橫。北斗橫復直。星漢空如此。寧知心有憶。孤燈曖不明。寒機曉猶織。零淚向誰道。雞鳴徒嘆息。

從齊武帝琅邪城講武應詔

九功播姚禪。七德陳武縣。展事昌國圖。息兵由重戰。皇情咨閱典。出車迨辰選。飾徒映寒隰。翻綏臨廣甸。颯沓珮吳戈。參差腰夏箭。風旆舒復卷。雲霞清以轉。輕舞信徘徊。前歌且遙衍。秋原嘶代馬。朱光浮楚練。虹蜺寫飛文。岩阿藻餘綰。發震嶽靈從。揚旌水華變。憑高訓武則。中天起遐眷。鳳蓋捲洪河。珠旗埽長沂。方待翠華舉。遠適瑤池宴。

三日侍林光殿曲水宴應制

宴鎬鏘玉鑾。游汾舉仙輶。滌光泛彩旌。脩風動芝蓋。淑氣婉登晨。天行聳雲旆。帳殿臨春御。帷宮繞芳薈。漸席周羽觴。分墀引迴瀨。穆穆玄化升。濟濟皇階泰。將御遺風軫。遠侍瑤台會。

侍宴樂游苑餞呂僧珍應詔

丹浦非樂戰。負重切君臨。我皇秉至德。忘已用堯心。愍茲區宇內。魚鳥失飛沈。推轂

有時濁清。齊涸無津。豈若乘斯去。俯映石磷磷。紛吾隔囂滓。寧假濯衣巾。願以潺湲水。霑君纓上塵。

循役朱方道路

分繻出帝京。升裝奉皇穆。洞野屬滄溟。睽郊遡河服。日映青邱島。塵起邯鄲陸。江移林岫微。岩深烟岫複。歲嚴摧磴草。午寒散嶠木。榮蔚夕飈卷。蹉跎晚雲伏。霞志非易從。旌驅信難牧。豈慕淄宮梧。方辭兔園竹。羈心亦何言。迷蹤庶難復。

游沈道士館

秦皇御宇宙。漢帝恢武功。歡娛人事盡。情性猶未充。銳意三山上。託慕九霄中。既表祈年觀。復立望仙宮。寧為心好道。直由意無窮。曰余知止足。是願不須豐。遇可淹留處。便欲息微躬。山嶂遠重疊。竹樹近蒙籠。開襟濯寒水。解帶臨清風。所累非物外。為念在玄蹤。朋來握石髓。賓至駕輕鴻。都令人徑絕。惟使雲路通。一舉凌倒景。無事適華嵩。寄言賞心客。歲暮爾來同。

古意

扶琴叢臺下。徙倚愛容光。伫立日已暮。戚戚苦人腸。露葵已堪摘。淇水未霑裳。錦衾無獨煖。羅衣空自香。明月雖外照。寧知心內傷。

少年新昏為之詠

山陰柳家女。薄言出田野。丰容好姿顏。便僻巧言語。腰肢既軟弱。衣服亦華楚。江輪映早寒。畫扇迎初暑。錦履並花紋。綉帶同心苴。羅襦金薄廁。雲鬟花釵舉。我情已鬱紆。何用表崎嶇。託意眉間黛。申心口上朱。莫爭三春價。坐喪千金軀。盈尺青銅鏡。徑寸合浦珠。無因達往意。欲寄雙飛鳥。裾開見玉趾。蓋薄映凝膚。差言趙飛燕。笑殺秦羅敷。自顧雖悴薄。冠蓋曜城隅。高門列駟駕。廣路從驪駒。何慚鹿盧劍。詎減府中趨。還家問鄉里。詎堪持作夫。

夢見美人

夜聞長嘆息。知君心有憶。果自閭闔來。魂交覩容色。既薦巫山枕。又奉齊眉食。立望復橫陳。忽覺非在側。那知神傷者。潺湲淚霑臆。

直學省愁卧

秋風吹廣陌。蕭瑟入南闈。愁人掩軒卧。高窗時動扉。虛館清陰滿。神宇曖微微。網虫垂戶織。夕鳥傍欄飛。纓珮空為忝。江海事多違。山中有桂樹。歲暮可言歸。

休沐寄懷

雖云萬重嶺。所翫終一邱。階墀幸自足。安事遠遨遊。臨池清薄暑。開幌望高秋。園禽

與時變。蘭根應節抽。憑軒攀木末。垂堂對水周。紫籜開綠篠。白鳥映青疇。父葉彌南浦。荷花遶北樓。送日隱曾閣。引月入輕幃。爨熟寒蔬翦。賓來春蠟浮。來往既云勸。光景為誰留。

宿東園

陳王鬪雞道。安仁採樵路。東郊豈異昔。聊可開余步。野徑既盤紆。荒阡亦交互。槿籬疎復密。荆扉新且故。樹頂鳴風飈。草根積霜露。驚麝去不息。征鳥時相顧。茅棟歎愁鴟。平岡走寒兔。夕陰帶曾阜。長烟引輕素。飛光忽我適。豈止歲云暮。若蒙西山約。顏齡儻能度。

三月三日率爾成章

麗日屬元巳。年芳具在斯。開花已匝樹。流嚶復滿枝。洛陽繁華子。長安輕薄兒。東出千金堰。西臨雁鶩陂。游絲應空轉。高楊拂地垂。綠幘文日照。曜紫燕光陸離。清晨戲伊水。薄暮宿蘭池。象筵鳴寶瑟。金瓶泛羽卮。宣憶春蚕起。日暮桑欲萎。長袂屢已拂。彫胡方自炊。愛而不可見。宿昔減容儀。且當忘情去。嘆息獨何為。

織女贈牽牛

紅妝與明鏡。二物本相親。用持施點畫。不照離居人。往秋雖一照。一照復還塵。塵生